



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Decreta Provinciae Mediolanensis Svb B. Carolo Borromeo, Cardinale
Archiepiscopo, Diuersis temporibus in sex Concilijs, totidemq[ue]
voluminibus edita

Speciano, Cesare

Brixiae, 1603

Tit. X. De Officio Cavponvm.

urn:nbn:de:hbz:466:1-10553

quàm psalmo De profundis, aut precatione Dominica, & salutatione Angelica sepius repetita intimo religioso cordis affectu perorabit, ut defunctorum animæ è purgatorij supplicij ereptæ; Dei misericordia ad sempiterna cælestis vitæ præmia perducantur.

Parochi præterea, quò magis, atque magis huius pietatis studium exardescat, sæpe accurata cohortatione ad illius studium, vsumque perpetuum, parochiales suos inflammare studeant; & quò magis eosdem elliciant, indulgentiam proponant ijs concessam, qui sono campanæ moniti, atque excitati ad orationem pro mortuis piè recitauerint psalmum De profundis; aut orationem Dominicam, salutationemq; Angelicam ter dixerint, cuius Indulgentiæ pontificias literas, ut Parochi aliquando de scripto euulgent, in fine huius libri impressas extare volumus.

Literæ
datæ sub
die 10.
Aprilis.
1780.

DE OFFICIO CAUPONVM Tit. X.

Quæ monita cauponibus, & qualiter proponenda sint. Cap. I.

INFENSIONIBVS & peccatis, quæ in cauponis committi solent, pastoralis etiam cura & officio occurrendum est; ut ereptis corruptelis salutariter consulatur vitæ christianæ moribus. Quæ obrem, cum Episcopus cuius officium est in omnium cuiusvis generis hominum curam incumbere; tum Parochus etiã si quas, vel cauponas, vel tabernas intra parochiæ suæ fines habet, quàm sæpissimè ijs, qui cauponariam tabernariamve exercent monita proponat, quæ infra eorum vitæ christianæ, christianisq; moribus præscribuntur, ad eorum salutem procurandam.

Primum igitur caupo non solum familiæ suæ, sed etiam hospitibus peregrinis, alijsve, quos hospitio exceperit, & verbis, & vitæ exemplis, & humanitatis officijs prodesse studeat; ita ut eius familia, quæ in famulatu ipsius sunt cæteris pietatis, castitatis, modestiæq; specimen, atq; indicium dent. Proinde impudicos homines, eiusve infamiæ nota inquinatos, blasphemos, concubinarios, eiusve nomine suspectos, aleatores, publicosve lufores, & id generis nebulones, qui aduenas, atq; hospites, dolis, fallacijsq; decipere solent, è familia domoq; sua eiiciat: quorum loco in familia famulatuq; pios homines disciplinæ christianæ studiosos habeat, qui aduenas ad orationem vespertinam inuitet, quam is domi suæ curet nullo unquam pacto statâ hora prætermitti.

Sacræ imagines in cubiculis habendæ, obscenæ omnino tollendæ. Cap. II.

IN cauponæ uestibulo, porticuve, & in singulis præterea cubiculis sacram imaginem apponere ne omitat; prophana autem omnia, ac turpiter obsceneq; inscripta, pictaue, inde amoueat omnino.

Quos apud se diutius hospitari non permittant.

Cap. I I I.

NE lenones, meretrices, historiones, mimos, & ceteros malæ conditionis homines, nugatoresve apud se diutius hospitari patiatur.

Erga religiosos, clericosve & pauperes qualiter se gerant.

Cap. I I I I.

Religiosos, & Ecclesiasticos homines ad se diuertentes, separato si commode poterit, præsertim à fœminis hospitio, mensaq; excipiat: in honore habeat, nec verbis, factisve uiolari patiatur; pauperibus item se talem præstet, qualem se præbere christianum hospitem decet.

Hæreticos denunciet, cibos vetitos ne præbeant. Cap. V.

Hæreticos verò si quos diuertisse animaduertet, illico denunciet, nec ullo pacto, feria sexta, & Sabbatho, alijs item præscriptis diebus ulli vetitos cibos, quouis prætextu præbeat.

Mensæ benedictio, & gratiarum actio adhibeatur. Cap. VI.

Mensæ initio ab hospite, uel ab aliquo familiari benedici curet, adhibita in fine etiam gratiarum actione.

Quos virum, & fœminam simul cubare non permittatur.

Cap. V I I.

NE virum simul, & mulierem cubare sinant, quos suspicetur matrimonio copulatos non esse.

Qualiter ægrotum denunciet. Cap. V I I I.

Si quem dum in caupona uersatur, in febrim, morbumve incidere contigerit, de eius ægritudine statim parochum certiore faciat, qui illum inuisitat, & spiritualia remedia, eidem quamprimum impertiatur.

Se verè Christianum exhibeat. Cap. I X.

Cauo denique Christianus, ita in hospitij munere agat, ut æquitate, sinceritate, & charitate utatur, & per opera iustitiæ progrediens damnationem æternam fugiat, ac in æterna tabernacula recipi mereatur.

DE OFFICIO MILITIS. Tit. XI.

Christianorum militum disciplina his temporibus eo prolapsa est, ut in multis Dei offensionibus, quæ à militum corruptelis existunt, opere præsertim etiam sit in uigilari Episcopalis monitis.